



Festival di Dande a homenagea 5 persona

FESTIVAL di Dande cu ta tuma lugar e siman aki, a reconoce y homenagea 5 persona y nan ta e.o. Raymundo (Rey) Maduro. Rey Maduro pa hopi aña a bin ta participa den Festivalnan di Dande y a sa di termina den e finalistanan.

Los Arbonitos tabata un di e prome gruponan cu tabata participa den Festival di Dande cu cancion y composicionnan propio, tipico y a yega di gana tambe varios premio den e seccion di cancionnan tipico y propio composicion di Festival di Dande.

Otro persona cu a ser homa-

negea ta Andres Paulino Larez, kende tin mas di 60 aña ta tocando Dande.

E tempo aya nan tabata sigui cu e paranda te cu Tres Rey y na pia, pasobra no tabatin auto. E mes ta haya cu ta lastima cu e tradicion ey no tey mas.

Andres a participa den diferente agrupacion. Tempo cu su swanan no tabata toca mas cu e conjunto Los Bigotes, hunto a lanta Tipico Brazil cu organiza diferente Festival di Dande bao di overdekte speelplaats di Christus Koning School, conoci awendia como Colegio Cristo Rey.

Te awe cu su 78 aña di edad, An-

dres Paulino Lopez ta activo y ta participa den paranda di dande di famia tur aña.

Dominico (Cochi) Willems ta otro artista cu a haya reconocimiento. Cochi Willems ta un tocador di acordeon y violin. Su tata Celestino Willems tambe ta tocador di violin mescos cu su omo Migelito Willems.

Cochi a cumenza toca acordeon cu su 13 aña di edad y cu su 17 aña el a cumenza pasa dande pa prome biaha.

Cochi Willems a participa den varios Festival di Dande y den hopi el a wordo acompaña tam-

be pa su yiu Andy Willems cu tambe ta tocador di acordeon, cantante y musico, sobrino di Tico Oduber cu tambe ta tocador di acordeon.

Dominico Willems, cariñosamente yama Cochi Willems ta sali for di un general musical, cu famianan musico cu ta mucho hopi pa menciona.

Felix (Shontan) Croes ta bin di Savaneta unda dande y musica folklore semper a resona. Shontan a cumenza toca sinfonia di boca cu 8 aña di edad y su tata Vicente Croes tambe tabata tocador di sinfonia di boca.

72 Aña pasa Shontan a cumenza pasa paranda di Pasco y Aña Nobo cu Dande cu un grupo cu tabata di 6 mucha. Ta despues di hopi aña tocando, el a forma e grupo nobo Tipico Pegasaya y Shontan a toca cu e grupo te cu aña 1977.

El a haci un operacion di garganta y asina a finalisa su tocamento di sinfonia di boca. Su yiu Frank Croes a sigui cu e tradicion aki den Tipico Pegasaya. Tradicion cu a sigui di welo pa yiu y pa nieta. Shontan tambe awe lo wordo homenagea.

Romaldo Marin tin 48 aña ta core paranda. El a cumenza core Dande cu su tata y Bushi Teu Angela, tur dos di feliz memoria, for di su 14 aña di edad. Despues Chen Chen a duna Romaldo un violin y a siña toca y el a sali paranda despues tocando violin hunto cu Juan Ras y despues cu Fani Ras.

Romaldo a toca despues tambe cu Panchito Geerman y cu Rafai, cu Jacinto Werleman y ademas a core dande cu Marlon Maduro, Tintin Marin y cu su ruman d.f.m. Feliz.

Riba e potret aki, por mira Tipico Pegasaya na 1990 tocando den White Star na San Nicolas. Pabien na tur 5 persona cu a haya un reconocimiento publico.